

Бекітілген:
«GoldFinMarket Микроқаржы ұйымы» ЖШС
жалпы қатысушылар жиналысының хаттамасымен
"11" мамыр 2022ж. бастап

"STANDARD M" өнімі бойынша микрокредит беру туралы шарт

Осы Шарт Қазақстан Республикасы Азаматтық кодексінің (бұдан әрі – Шарт) 389-бабында көзделген тәртіппен жасалатын қосылу Шарты болып табылады, оның талаптары осы стандартты нысанда айқындалған және «GoldFinMarket Микроқаржы ұйымы» ЖШС, оның филиалдары/бөлімшелері (бұдан әрі – МҚҰ) және МҚҰ қабылдаған және қол қойған Шартқа қосылу туралы өтінішке (бұдан әрі – Өтініш) қол қойған және берген Тұтынушы/Қарыз алушы (жеке тұлға) арасындағы қатынастарды реттейді. МҚҰ және Қарыз алушы бұдан әрі бірлесіп «Тараптар» ал жеке-жеке немесе жоғарыда көрсетілгендей «Тарап» деп аталады.

Шарттың талаптары барлық МҚҰ Тұтынушы үшін бірдей және Тұтынушы Шартқа тұтастай, толығымен қосылу арқылы ғана қабылданады, онымен Тұтынушы сөзсіз келіседі. Тұтынуштың шарттарды қабылдауы (Шартқа қосылу) Тұтынуштың Өтінішке қол қою және беру, оны МҚҰ қабылдауы арқылы білдіреді - осыдан кейін бұл Шарт, әрине, МҚҰ мен Тұтынушы арасында жасалған болып саналады.

Егер МҚҰ-да Қарыз алушы қол қойған Шартқа сілтеме жасай отырып Өтініш болған жағдайда, Қарыз алушы Шарттың оқылмағандығының, түсінілмегендігінің, қабылданбағандығының дәлелі ретінде Шартта өз қолының жоқтығына сілтеме жасай алмайды.

Осы Шарт, оған енгізілген өзгерістер және/немесе осы Шарттың өзгертілген редакциялары МҚҰ-ның интернет желісіндегі ресми сайтында келесі мекенжай бойынша орналастырылады: <https://gfm.kz>. Шартқа барлық қосымшалар, МҚҰ қабылдаған өтініштер Шарттың ажырамас бөлігі болып табылады.

«Микроқаржы қызметі туралы» Қазақстан Республикасының 2012 жылғы 26 қарашадағы № 56-V Заңы (бұдан әрі – Заң) микрокредиттер беру жөніндегі қызметті жүзеге асыруға байланысты қоғамдық қатынастарды реттейді, микроқаржы қызметін жүзеге асыратын ұйымдарды құру ерекшеліктерін, құқықтық мәртебесін, микроқаржы қызметін жүзеге асыратын ұйымдардың қызметін белгілейді, сондай-ақ микроқаржы қызметін жүзеге асыратын ұйымдарды мемлекеттік реттеудің, олардың қызметін бақылау мен қадағалаудың ерекшеліктерін айқындайды.

Қазақстан Республикасының 2019 жылғы 29 қарашадағы № 232 Қазақстан Республикасы Ұлттық Банкі Басқармасының қаулысымен бекітілген микрокредиттің толық құны, микрокредит беру туралы шарттың міндетті талаптары туралы ақпаратты қамтитын шарттың мазмұнына, ресімделуіне және оның бірінші бетіне қойылатын талаптар. (бұдан әрі – Талаптар).

1. ШАРТТЫҢ ЖАЛПЫ ТАЛАПТАРЫ

1.1. Шарттың жасалған күні Тараптардың Өтінішке қол қойған күні болып табылады.

1.2. МҚҰ Заңның 4-бабының 3-1-тармағына сәйкес Қарыз алушыға осы Шарт пен Өтініште белгіленген тәртіппен микрокредит береді. Өтініш пен Шарт бір-бірінің ажырамас бөліктері болып табылады және «"STANDARD M" өнімі бойынша микрокредит беру туралы шарт» біртұтас түсінігін құрайды. Микрокредит Қарыз алушыға төлем, мерзімділік және қайтарымдылық шарттарымен беріледі. Микрокредит беру күні микрокредит беру күні болып табылады.

1.3. Микрокредит (микрокредит нысанасы) сомасын, микрокредит бойынша артық төлем сомасын, микрокредитті пайдалану мақсаты туралы (бар болса) ақпаратты Қарыз алушының Өтініші негізінде МҚҰ айқындайды.

1.4. Микрокредит беру мерзімі Қарыз алушының Өтінішінде айқындалады.

1.5. Микрокредит бойынша сыйақының мәні, сондай-ақ жылдық тиімді сыйақы мөлшерлемесі (ЖСТМ) (микрокредиттің нақты құны) Шарт жасалған күні есептеледі және қарыз алушының Өтінішінде айқындалады.

1.6. Микрокредитті өтеу тәсілі: бір өтеммен, қолма - қол ақшамен-МҚҰ кассасы арқылы немесе электрондық терминалдар арқылы, қолма-қол ақшасыз тәсілмен банк шотының төмендегі деректемелеріне аудару арқылы.

Атауы: "GoldFinMarket Микроқаржы ұйымы" ЖШС

БСН: 071140021635

Банктің атауы: "Банк Фридом Финанс Қазақстан" АҚ

ЖСК: KZ39551X125000008KZT

БСК KSNVKZKA

Кбе: 15

1.7. Микрокредитті өтеу әдісі: микрокредит беру мерзімінің соңында біржолғы төлем.

1.8. Шарт бойынша микрокредит сомасын өтеу және (немесе) сыйақы төлеу жөніндегі міндеттемелерді бұзғаны үшін тұрақсыздық айыбының (айыппұлдың, өсімпұлдың) мөлшері мерзімі өткен әрбір күн үшін орындалмаған міндеттеме сомасының 0,5 (нөл бүтін оннан бес) %.

1.9. Шарт бойынша Қарыз алушы жүргізген төлемнің сомасы, егер ол Шарт бойынша Қарыз алушының міндеттемесін орындау үшін жеткіліксіз болған жағдайда, қарыз алушының берешегін мынадай кезектілікпен өтеуге жіберіледі:

1) МҚҰ-ның орындауды алудағы шығындары;

2) егер мерзімі өткен берешек болса, Шартта айқындалған мөлшерде тұрақсыздық айыбының (айыппұл, өсімпұл) сомасы;

3) сыйақы бойынша берешек;

4) ағымдағы төлем кезеңі үшін есептелген сыйақы;

5) негізгі берешек бойынша берешек;

6) ағымдағы төлем кезеңіндегі негізгі борыш сомасы.

1.10. Қарыз алушының МҚҰ микрокредитін өтеуді жүзеге асыруды қамтамасыз ету мыналар болып табылады: Қазақстан Республикасының заңнамасында кепілге қабылдауға тыйым салынбаған жылжымалы мүлік. Кепілге қойылған мүліктің толық сипаттамасы Қарыз алушының Өтінішінде көрсетілген.

1.11. Қарыз алушы шарт бойынша міндеттемелерін орындамаған не тиісінше орындамаған кезде МҚҰ қабылдайтын шаралар:

- кепіл мүлкін соттан тыс сатуды жүргізу;

- Қазақстан Республикасының қолданыстағы заңнамасына сәйкес кепілдік мүлікті өндіріп алу;

- Қазақстан Республикасының заңнамасында және/немесе осы Шартта көзделген өзге де шараларды қабылдау.

1.12. Шарттың қолданылу мерзімі. Шарт Тараптар Қарыз алушының Өтінішіне қол қойған сәттен бастап күшіне енеді және тараптар өз міндеттемелерін толық орындағанға дейін әрекет етеді.

1.13. Қарыз алушы Талаптардың 7-тармағының төртінші тармағында, 3) тармақшасында көзделген МҚҰ шешімін алған күннен бастап 15 (он бес) күнтізбелік күн ішінде немесе Шарттың талаптарын өзгерту туралы өзара қолайлы шешімге қол жеткізілмеген жағдайда, МҚҰ-ны бір мезгілде хабардар ете отырып,, МҚҰ-ны бір мезгілде хабардар ете отырып, қаржы нарығын және қаржы ұйымдарын реттеу, бақылау және қадағалау жөніндегі уәкілетті органға жүгінуге құқылы .

1.14. МҚҰ пошталық мекенжайы: 160000, Қазақстан Республикасы, Шымкент қаласы, Еңбекші ауданы, Шаяхметов көшесі, 3/2 құрылыс.

1.15. МҚҰ электрондық мекен-жайы: mfogfm@mail.ru

1.16. МҚҰ ресми интернет-ресурсы: <https://gfm.kz>

1.17. МҚҰ Шарт бойынша құқықты (талапты) үшінші тұлғаға берген кезде Қазақстан Республикасының заңнамасында МҚҰ Қарыз алушымен Шарт шеңберіндегі өзара қатынастарына қойылатын талаптар мен шектеулердің Қарыз алушының құқық (талап ету) берілген үшінші тұлғамен құқықтық қатынастарына қолданылады.

2. ҚАРЫЗАЛУШЫНЫҢ ҚҰҚЫҚТАРЫ

2.1. Микрокредиттер беру Ережелерімен, МҚҰ микрокредиттер беру тарифтерімен танысу;

2.2. Алынған микрокредитке Шартта белгіленген тәртіп және Шартпен билік ету.

2.3. Шарт бойынша берілген микрокредит сомасын тұрақсыздық айыбын (айыппұлды, өсімпұлды) төлемей, МҚҰ-ға мерзімінен бұрын толық немесе ішінара қайтаруға;

2.4. Егер негізгі борышты және (немесе) сыйақыны өтеу күні демалыс немесе мереке күндеріне сәйкес келсе, негізгі борышты және (немесе) өсімпұлды (айыппұлды, өсімпұлды) төлемей келесі жұмыс күні төлейді.

2.5. Шарт бойынша міндеттемені орындау мерзімін өткізіп алған күннен бастап күнтізбелік отыз күн ішінде МҚҰ-ға баруға және (немесе) жазбаша нысанда не шартта көзделген тәсілмен Шарт бойынша міндеттемені орындау мерзімін өткізіп алудың туындау себептері, табыстар және оған өзгерістер енгізу туралы өтінішті негіздейтін басқа да расталған мән-жайлар (фактілер) туралы мәліметтерді қамтитын өтінішті ұсынуға, оның ішінде мыналарға байланысты:

- сыйақы мөлшерлемесін не Шарт бойынша сыйақы мәнін азайту жағына қарай өзгертуге;
 - негізгі борыш және (немесе) сыйақы бойынша төлемді кейінге қалдыру;
 - берешекті өтеу әдісін немесе берешекті өтеу кезектілігін, оның ішінде негізгі борышты басым тәртіппен өтей отырып өзгертуге;
 - микрокредит мерзімін өзгертуге;
 - мерзімі өткен негізгі борышты және (немесе) сыйақыны кешіру, микрокредит бойынша тұрақсыздық айыбының (айыппұлдың, өсімпұлдың) күшін жою арқылы.
- тараптардың келісімімен белгіленген мерзімдерде кепіл берушінің ипотека нысанасы болып табылатын жылжымайтын мүлікті дербес жүзеге асыруы;
- МҚҰ кепілге салынған мүлікті беру арқылы Шарт бойынша міндеттемені орындау орнына өтемақы ұсыну;
 - сатып алушыға Шарт бойынша міндеттемелерді бере отырып, ипотека нысанасы болып табылатын жылжымайтын мүлікті сату.

2.6. Қарыз алушы Шарттың төртінші тармағындағы 5.3-тармақпен көзделген МҚҰ шешімін алған күннен бастап 15 (он бес) күнтізбелік күн ішінде немесе Шарттың талаптарын өзгерту туралы өзара қолайлы шешімге қол жеткізілмеген жағдайда, МҚҰ-ны бір мезгілде хабардар ете отырып, Қаржы нарығын және қаржы ұйымдарын реттеу, бақылау және қадағалау жөніндегі уәкілетті органға жүгінуге құқылы.

2.7. Заңның 9-1-бабының 4 және 5-тармақтарында көрсетілген тұлғамен келіспеушіліктерді шешу үшін МҚҰ Қарыз алушымен жасалған Шарт бойынша құқықты (талапты) басқаға берген жағдайда банк омбудсменына хабарласу.

2.8. Көрсетілетін қызметтер бойынша даулы жағдайлар туындаған кезде МҚҰ жазбаша түрде жүгіну;

2.9. Қазақстан Республикасының заңдарында белгіленген тәртіппен өз құқықтарын қорғау;

2.10. Қазақстан Республикасының заңнамасында және Шартта көзделген өзге де құқықтарды жүзеге асыруға құқылы;

3. ҚАРЫЗ АЛУШЫНЫҢ МІНДЕТТЕМЕЛЕРІ

3.1. Алынған микрокредитті қайтаруға және ол бойынша Шартта белгіленген мерзімде және тәртіпте сыйақы төлеуге.

3.2. Заңға сәйкес МҚҰ сұраған құжаттар мен ақпаратты ұсыну.

3.3. Заңда, Қазақстан Республикасының өзге де заңнамасында және МҚҰ-мен жасалған шарттарда белгіленген өзге де талаптарды сақтауға.

4. МҚҰ ҚҰҚЫҚТАРЫ

4.1. Шарт талаптарын Қарыз алушы үшін оларды жақсарту бағытында біржақты тәртіппен өзгертуге.

4.2. Қарыз алушы микрокредиттің кезекті бөлігін қайтару және (немесе) сыйақы төлеу үшін белгіленген мерзімді 40 (қырық) күнтізбелік күннен астам бұзған кезде микрокредит сомасын және ол бойынша сыйақыны мерзімінен бұрын қайтаруды талап етуге;

4.3. Қарыз алушының өтінішін қарау нәтижелері бойынша берешекті реттеу жөніндегі келісімге қол жеткізілмеген және Қарыз алушы берешек бойынша қарсылықтарды ұсынбаған жағдайда, негізгі борышты, сыйақыны және тұрақсыздық айыбын (айыппұлды, өсімпұлды) қоса алғанда, микрокредит бойынша берешекті Қарыз алушының келісімін алмай нотариустың атқарушылық жазбасы негізінде өндіріп алуға құқылы.

4.4. Қарыз алушының келісімінсіз Заңның 9-1-бабының 4 және 5-тармақтарында көрсетілген тұлғаға микрокредит беру туралы шарт бойынша құқықты (талапты) беруге;

4.5. Қазақстан Республикасының заңнамасында және осы Шартта көзделген өзге де құқықтарды жүзеге асыруға құқылы.

5. МҚҰ МІНДЕТТЕРІ

5.1. Шарт бойынша МҚҰ құқығының (талап ету) үшінші тұлғаға өту талаптары (бұдан әрі - талап ету құқығын басқаға беру шарты) қамтылған шартты жасасу кезінде Қарыз алушыны (немесе оның уәкілетті өкілін) хабардар етуге міндетті:

- талап ету құқығын басқаға беру шарты жасалғанға дейін құқықтардың (талаптардың) үшінші тұлғаға өту мүмкіндігі туралы, сондай-ақ осындай басқа тұлғаға беруге байланысты Қарыз алушының дербес деректерін осы Шартта көзделген не Қазақстан Республикасының заңнамасына қайшы келмейтін тәсілмен өңдеу туралы;

- микрокредит өтеу бойынша одан әрі төлемдердің үшінші тұлғаға (шарт бойынша құқық (талап ету) өткен тұлғаның атауы және орналасқан жері) тағайындалуын көрсете отырып, талап ету құқығын басқаға беру шарты жасалған күннен бастап күнтізбелік 30 (отыз) күн ішінде осы Шартта көзделген не Қазақстан Республикасының заңнамасына қайшы келмейтін тәсілмен үшінші тұлғаға құқықтың (талап ету) ауысуы туралы толық көлемін, сондай-ақ негізгі борыштың, сыйақының, тұрақсыздық айыбының (айыппұлдың, өсімпұлдың) мерзімі өткен және ағымдағы сомаларының қалдықтарын және төленуге жататын басқа да сомаларды растайтын құжаттар қоса беріледі;

5.2. Шартта белгіленген тәртіппен және мерзімде, бірақ кешіктірілген күннен бастап 20 (жиырма) күнтізбелік күннен кешіктірмей Қарыз алушыны хабардар етуге:

- Шарт бойынша міндеттемені орындаудың кешіктірілгендігі туралы және хабарламада көрсетілген күнге мерзімі өткен берешек сомасын көрсете отырып, төлемдерді жүзеге асыру қажеттілігі туралы;

- Шарт бойынша Қарыз алушының МҚҰ-ға жүгіну құқығына;

- Қарыз алушының Шарт бойынша өз міндеттемелерін орындамауының салдары туралы.

Хабарлама, егер ол Шартта көзделген келесі әдістердің бірімен борышкерге жіберілсе, жеткізілді деп есептеледі:

- Шартта көрсетілген электрондық пошта мекенжайына;

- Шартта көрсетілген тұрғылықты жері бойынша оның жеткізілгенін растай отырып тапсырыс хатпен, оның ішінде көрсетілген мекенжайда тұратын кәмелетке толған отбасы мүшелерінің бірі алған жағдайда.

- жеткізуді бекітуді қамтамасыз ететін басқа байланыс құралдарын пайдалану.

5.3. Қарыз алушының Шарт талаптарына ұсынылған өзгертулер туралы өтінішін және Қарыз алушыны жазбаша түрде немесе Шартта көзделген тәртіппен хабарламаны алған күннен кейін күнтізбелік 15 (он бес) күн ішінде қарау:

- Шарт талаптарына ұсынылған өзгертулермен келісу;

- кредиттерді реттеу бойынша өзінің ұсыныстары;

- бас тарту себептерінің дәлелді негіздемесін көрсете отырып, Шарт талаптарын өзгертуден бас тарту.

5.4. МҚҰ Шартта белгіленген тәртіппен жақсарту шарттарын қолданған кезде Шарт талаптарының өзгергені туралы Қарыз алушыны хабардар ету.

5.5. Микрокредит беру құпиясын сақтау.

5.6. Қазақстан Республикасының заңнамасында белгіленген өзге де талаптарды орындау.

6. МҚҰ ҮШІН ШЕКТЕУЛЕР

6.1. Сыйақы мөлшерлемесін (оларды төмендету жағдайларын қоспағанда) және (немесе) микрокредит өтеу тәсілі мен әдісін біржақты тәртіппен өзгерту;

6.2. Қарыз алушыдан микрокредит бойынша сыйақы мен тұрақсыздық айыбын (айыппұлды, өсімпұлды) қоспағанда, кез келген төлемдерді белгілеу және өндіріп алу;

6.3. МҚҰ-ға микрокредит сомасын, тұрақсыздық айыбын (айыппұл, өсімпұл) және микрокредитті мерзімінен бұрын қайтарғаны үшін басқа да төлемдерді мерзімінен бұрын толық немесе ішінара қайтарған Қарыз алушыдан талап ету.

6.4. Шарт бойынша микрокредит сомасын ұлғайту;

6.5. Егер негізгі борышты немесе сыйақыны өтеу күні демалыс не мереке күніне түскен жағдайда тұрақсыздық айыбын (айыппұлды, өсімпұлды) өндіріп алу және сыйақыны немесе негізгі борышты төлеу одан кейінгі жұмыс күні жүргізіледі;

6.6. Кез келген валюталық баламасына байланыстыра отырып, теңгемен берілген Шарт бойынша міндеттемелер мен төлемдерді индекстеу;

7. МІНДЕТТЕМЕЛЕРДІ БҰЗҒАНЫ ҮШІН ТАРАПТАРДЫҢ ЖАУАПКЕРШІЛІГІ

7.1. Осы Шарт бойынша өз міндеттемелерін орындамағаны немесе тиісінше орындамағаны үшін кінәлі Тарап осы бұзушылыққа байланысты туындаған барлық залалдарды өтейді және Қазақстан Республикасының заңнамасына сәйкес дербес жауапты болады.

7.2. Өсімнен басқа, МҚҰ Қарыз алушыдан осы Шарт бойынша қарыз алушының міндеттемелерін орындамауынан және/немесе тиісінше орындамауынан туындаған барлық келтірілген шығыстарды және/немесе келтірілген залалдарды толық көлемде өтеуді талап етуге құқылы.

7.3. Қарыз алушы қайтыс болған жағдайда осы Шарт бойынша міндеттемелер Қазақстан Республикасының заңнамасына сәйкес оның мұрагеріне (мұрагерлеріне) ауысады.

7.4. Осы Шарттың талаптарында көзделмеген жауапкершілік шаралары Қазақстан Республикасының заңнамасына сәйкес айқындалады.

7.5. Тараптардың өсімпұлды төлеуі оларды осы Шарт бойынша өз міндеттемелерін толық және тиісінше орындаудан босатпайды.

8. ШАРТ ШАРТТАРЫНА ӨЗГЕРТУ ЕНГІЗУ ТӘРТІБІ

8.1. МҚҰ Шартқа, егер оларда өзгеше көзделмесе, МҚҰ веб-сайтында жарияланған күннен бастап күшіне енетін өзгерістер мен толықтырулар енгізуге құқылы.

8.2. Қарыз алушының қаржылық міндеттемелерінің сомасын (мөлшерін) және (немесе) оларды төлеу мерзімін өзгертуге әкеп соғатын микрокредит беру шарттарын өзгерту кезінде жаңа жағдайларды ескере отырып МҚҰ қосымша шарт жасайды;

8.3. Микрокредитті мерзімінен бұрын ішінара/толық өтеу жеке басын куәландыратын құжатты көрсеткен кезде Қарыз алушыға микрокредит берілген МҚҰ филиалдары арқылы жүзеге асырылады.

9. ҚОСЫМША ШАРТТАР

9.1. Шартта көзделген талаптармен қатар, оларды орындау кезінде Тараптар Қазақстан Республикасының заңнамасын басшылыққа алады.

9.2. Шарты ҚР заңнамасының талаптарын ескере отырып, мемлекеттік және орыс тілдерінде жасалды.

9.3. Шарт мәтінде тілдік айырмашылықтар болған жағдайда орыс тіліндегі мәтін басымдыққа ие болады.